



## Future-proofing our children

Tlhomamiso 1

Setlhogo

**Ditirelo tse di hapegileng**

**Mokaedi wa batsadi**  
Sekolo sa Tshipi ithutelo lapeng



## Go Motsadi

O amogelesegile mo **Ditirelo tse di haphegileng** thuto ya Tlhomamiso 1. Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e::

Kgato	Tiriso
1	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p><a href="https://bit.ly/3NACSSH5">https://bit.ly/3NACSSH5</a></p>
2	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> <li>• Baebele</li> <li>• Mokwalo wa thuto wa PDF o o setseng o baakantswe.</li> <li>• Pena le lekwalo la ngwana, etc.</li> <li>• Setshwantsho sa motshikhinyego se se leng thuso e nngwe</li> <li>• Katakasima le Dipotso le dikgarabo (bogolo jang mo batlhomamisiweng)</li> </ul> <p><b>Ela tlhoko:</b></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswa dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45</i> .</p> <p>2.3: Thuto e lebaganye (Batlhomamisiwa 1).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



## Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelala ka go abalana maele a go ipaakanya le go ruta thuto e:

Kgato	Tiriso
4	Dira seemo se se siameng, se se senang dikgoreletsi se wena le bana/ngwana le leng fa go tshwanang. <b>Sekai:</b> Nnang mo tafoleng.
5	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6	Kwala dintlha tse o batlang go di gakologelwa.
7	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8	Ruta ngwana wa gago thuto.
9	Supegetsa ngwana wa gago setshwantso sa motshikinyego mme o soboke molaetsa.
10	Laela ngwana go dira tekeletso e mo lokwalong la gagwe la ikatiso (Le nna ke batla go.....)
11	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go thotlhomisa ka thuto e gore o nne le kitso e e oketsegileng.



# Thuto

<b>Setlhogo</b>	Ditirelo tse di haphegileng mo ngwageng
<b>Temana</b>	Ga gona temana ya thuto e
<b>Maikaelelo a thuto</b>	Batlhomamisiwa ba ithute ka ditirelo tse di haphegileng mo ngwageng tse di ipelelwang ke bakeresetse ba New Apostolic.

## Tshoboko ya thuto:

### Malatsi a boikhutso a puso le malatsi a boikhutso a sekeresete

- Malatsi a boikhutso a puso a ipelelwa e le segopotso sa malatsi a botlhokwa mo lefatsheng. Mo lefatsheng la rona ka sekai re ipelela malatsi a Ditshwanelo tsa batho ka kgwedi ya Mopitlo e le malatsi a le masome a mabedi le bobedi le letsatsi la banana kgwedi ya Seetebosigo a le lesome le borataro.
- Malatsi a boikhutso a sekeresete a ipelelwa ditiragalo tse di haphegileng mo botshelong jwa Jesu Keresete di tsamaelana le thulaganyo ya poloko ya Modimo. Meletlo e e botlhokwa mo tumelong ya rona ebile e thatafatsa tumelo ya rona mo polokong le go bowa gape ga Keresete.

Malatsi a latelang a ipelelwa e le meletlo ya kereke:

- Keresemose: re ipelela go tsholwa ga ga Jesu, neo e kgolo go di gaisa. Modiro o wa go tla ga Morwa Modimo, go netefatsa tumelo ya rona ya go bowa gape ga gagwe. Moletlo wa go aba.
- Tshipi wa dipalema (Tshipi pele ga paseka)- Tshipi wa dipalema o tshwaya tshimologo ya beke ya dipogisego. Go tsena ga Jesu mo Jerusalem.
- Labotlhano yo Molemo – go ipelela papolo le loso lwa ga Jesu le poloko ya batho.
- Paseka – kgopotso ya tsogo ya ga Jesu mo losong.
- Letsatsi la tlhahlogo – malatsi a masome a mane morago ga tsogo Jesu o ile a tlhatlogela ko legodimong mo marung.
- Pentekosete(Tshipi wa bosupa morago ga paseka) – tsholofetso ya ga Jesu e diragaditswe malatsi a le masome a matlhano morago ga tsogo. Letsatsi le le kaiwa e le letsatsi la matsalo a kereke. Moaposetoloi yo Mogolo o neela batho ba Modimo palo ya baebele mo letsatsing le.

Paseka e nna mo malatsing a farologaneng ngwaga le ngwaga – moletlo o o sutisiwang. E ipelelwa Tshipi wa ntlha morago ga ngwedi o feletseng ka Dikgakologo kana ngwedi o feletseng ka Letlhafula.

### **Ditirelo tse di haphegileng**

- Tetelo – E ke nako ya go letla le go ipaakanyetsa moletlo wa letsatsi la matsalo a Jesu. Tshipi tse nne pele ga Keresemose ke malatsi a tetelo.
- Ditirelo tsa segopotso sa baswi – di botlhokwa mo kerekeng ya rona. Di nna teng Tshipi wa ntlha gararo mo ngwageng e leng Mopitlo, Phukwi le Ngwanatsele.
- Ntshetso malebogo (Tshipi ya ntlha ya kgwedi ya Phalane) – Tirelo e boitshepo e re supang malebogo mo Modimong ka popo ya gagwe. Re rotloediwa go ntsha dikatso tsa malebogo.
- Letsatsi pele ga ngwaga o mosha – ka malatsi a masome a mararo le bongwe ka kgwedi ya Morule. Go ipelwa ka Tshipi wa bofelo wa Morule.
- Letsatsi la ngwaga o mosha – Tshipi wa ntlha wa ngwaga. Moaposetoloi yo Mogolo o neela palo ya baebele ya ngwaga o mosha le setlhogo sa ngwaga.

## Thuto e e re ruta eng?

- Malatsi a boikhutso a kereke a ipelelwa go gakologelwa botshelo jwa ga Jesu le botlhokwa jwa teng mo botshelong jwa rona.
- Go ipelela malatsi a go re gakolola botshelo jwa ga Jesu le setlhabelo sa gagwe le go bowa ga gagwe gape.

## Dipotso tse re ka di botsang:

### 1. Paseka e epelelwa ka malatsi a farologaneng, a tlhomiwa jang?

**Karabo:** E ipelelwa Tshipi wa ntlha morago ga ngwedi o feletseng ka Dikgakologo kana ngwedi o feletseng ka Letlhafula.

### 2. Setlhogo sa rona sa ngwaga 2021 ke mang?

**Karabo:** Keresete, isago ya rona

### 3. Malatsi a tetelo a tsaya lebaka le le kae?

**Karabo:** Ke nako ya go letela le go ipaakanyetsa letsatsi la go tsholwa ga ga Jesu. Go letwa tshipi tse nne pele ga Keresemose.

## Thapelo ya ga mme le rre go e rapela pele ga thuto:

*Modimo o rategang, ke lebogela letsasti le*

*Segofatsa batsadi le bana botlhe*

*Mma re ikutlwele boleng teng jwa gago*

*Segofatsa thuto e re yang go e amogela*

*Re kopa o re rute go go direla*

*Re thuse go dira thato ya gago*

*Gore re golele gaufi le wena*

*Romela Jeso go tla go re tsaya*

*Mme re bo re ipaakanyeditse go mo kgathantsa*

*Amen*